



DEN NORSKE KYRKJA

Bjørgvin bispedømeråd

Osterøy kommune
Dokumentsenteret
5282 LONEVÅG

Dato: 19.05.2015

Vår ref: 15/2157 - 4 JZM (15/20602)

Dykkar ref:

Høyringsvar til planprogram av kommuneplanen sin samfunnsdel for Osterøy kommune

Vi viser til dykkar brev dagsett 30. mars om kommuneplanen sin samfunnsdel for Osterøy kommune, plan-id 12532015002 og takkar for høvet til å få uttala oss. Vi beklagar at svaret kjem eit par dagar etter fristen. Bjørgvin bispedømeråd er regionalt statleg høyringsorgan i saker som berører kyrkja og kyrkjeleg eigedom og forvaltning.

Bispedømerådet støttar at ein legg opp til ein plan som har bærekraftig utvikling som eit berande prinsipp. Dette er i tråd med viktige verdiar i kyrkja som ser på omsorg for skaparverket som ei god oppgåve Gud har gjeve oss menneske.

Bjørgvin bispedømeråd vil peike på kyrkja sitt arbeid i lokalsamfunnet som eit viktig bidrag i utviklinga av eit berekraftig lokalsamfunn. Sokneråda og Osterøy kyrkjelege fellesråd har ansvar for trusopplæring, for vedlikehald av gravplassane og for å utarbeida mål og planar for den kyrkjelege verksemda i kommunen. Vidare forvaltar dei kyrkjene som i tillegg til bruksverdien også representerer vesentlege kulturminneverdiar.

Planprogrammet legg opp til fleire tema, og kyrkja på Osterøy kan medverka på mange måtar. Det gjeld ikkje minst innanfor oppvekst og fritid og fellesskap. Kyrkja tilbyr gode møtestadar for alle generasjonar til eit sosialt, åndeleg og kulturelt miljø. Gjennom frivillige og tilsette gjev kyrkja omsorg for medmenneske, både av førebyggjande og meir «lindrane» karakter (diakonale tenester). Vi er kjende med at det er eit godt samarbeid mellom kommunen og kyrkja, og kyrkja bør også av den grunn nemnast på relevante plassar i planen.

Vi ønskjer Osterøy kommune lukke til vidare med planane og gjennomføringa av dei mot målet om å bli ein stendig betre kommune å leva i.

Med helsing

Tore Skjæveland e.f.
kyrkjefagsjef

Jens Z. Meyer
seniorrådgjevar

Dokumentet er elektronisk godkjent og har difor ingen signatur.

Kopi til:

Osterøy kyrkjelege fellesråd

Kyrjekontoret

5282

Mottakere:
Osterøy kommune

Dokumentsenteret 5282

LONEVÅG